

## 愛運動較精光

甲：甲！

乙：乙！

甲：上臺！

乙：騎馬！

甲：騎車較緊啦！

乙：好啦！好啦！上臺行禮！

甲：較認真咧啦！

乙：知啦！

甲：啊知～毋是干焦喺咧講！

乙：奇怪？nà 會迦呢成？

甲：成？成啥乜？

乙：喔！和老師咧唸我愛認真的時，有夠成的？

甲：閣敢講？老師是叫你認真讀冊，你是認真拍電動！

乙：我是因為讀冊壓力傷大，欲輕鬆一下！

甲：按呢，去運動，就對啊啦！

乙：恁些款講法，就無理解啊啦！

甲：無理解？安怎講？

乙：我嘛算是咧運動呢！

甲：彼也算運動？

乙：拍久嘛會忝呢！

甲：忝 nòo！電腦 tsîn 規工，目睷花花瓠仔看做菜瓜，目睷霧霧芭樂看作蓮霧！

乙：按呢是有啦～

甲：一坐落去就牢咧！坐假尻川口砢砢、褲底澹澹！

乙：嘿嘿！

甲：干且坐跼厝裡！毋就愛出去外口，行行、走走咧！搨一下仔風，才是真正的運動～

乙：熱假欲死，猶袂振動，就規身軀汗，哪有啥乜款運動，較適合？

甲：啊！熱--人，去游泳啦！

乙：爌水餃喔？

甲：啥乜爌水餃？

乙：妳共想看覓，一窟水予日頭，曝假燒烘烘，啊一堆人 thôm--一下，落去！  
敢無成咧爌水餃？

甲：哪會？

乙：閣再講啦！彼游泳池內底，毋知有幾個落去放尿？

甲：siáng 會佇內底放尿？

乙：我...

甲：你？

乙：我是保證無！別人...我是毋知喔？

甲：óo！你實在誠歹款待呢！

乙：啊～咱是欲講運動，毋是欲冤家！

甲：『攏是你啦！攏是你啦！攏是你共我氣假面紅紅！』

乙：受氣啦！運動，除了會當予身體，閣較健康以外；嘛會當予人心情，閣較歡喜、閣較快活，才對啊！

甲：按呢嘛較差不多！運動會當予身體、心理攏健康！

乙：講著運動，就愛堅持，才會有效果！

甲：若欲堅持，就袂當傷費氣！

乙：喔！啊若欲講～省事閣事省的運動，絕對無人，比會贏些項！

甲：佗一項？

乙：十一號公車！

甲：喔～步輦的，較緊的、用走的拼速度！較慢的、那看風景；那散步！

乙：是講～家己運動傷孤單，尚好會當招寡伴！

甲：有影～若是像你遐貧慵，無伴會蹣邊仔軀！

乙：熱人運動全全汗，人忝當然邊仔軀！

甲：我若看你佇遐軀，棍仔夯咧共你趕！

乙：啊！啊！啊！較細力咧！手下留情啊～

甲：那通手下留情，放你佇遐卸世眾？

乙：毋通共我擯，無會變恹恹！

甲：若有正經，就免求情！

乙：電腦拍濟目暈茫，身體拍歹學業空！

甲：每日撥工去運動，神清氣爽較健康！

乙：精神頭殼較精光，學業事業自然通！

甲：些款道理講會通，無運動會聶笑恹！

合：招恁作伙 lǎi 運動！